

四庫全書

史部

欽定四庫全書

史部

水經注集釋訂訛卷三十六

詳校官監察御史_臣周元良

刑部郎中_臣許兆椿覆勘

總校官原任中允_臣王燕緒

校對官中書_臣吳裕德

謄錄監生_臣徐彩

欽定四庫全書

水經注集釋訂訛卷三十六

歸安沈炳巽撰

青衣水

桓水

若水

沫水

延江水

沅酒水

存水

溫水

青衣水出青衣縣西蒙山東與沫水合也

縣故有青衣羌國也竹書紀年梁惠成王十年瑕陽人自秦道崕山青衣水來歸漢武帝天漢四年分沈

黎郡西部都尉

華陽國志作罷沈黎置兩郡都尉一治旄牛主外羌一治青衣主漢民

公孫述之有蜀也青衣不服世祖嘉之建武十九年

以為郡安帝延光二年置蜀郡屬國都尉青衣王子

心慕漢制上求內附順帝陽嘉二年改曰漢嘉

一云當有

兩嘉

得此良臣也縣有蒙山青衣

疑脫水字

所發東逕其

縣與沫水會於越雋郡之靈關道青衣水又東邛水

注之水出漢嘉嚴道邛來山東至蜀郡臨邛縣東入

青衣水

至犍為南安縣入於江

南安今為嘉定州及眉州丹稜縣地故南安治在今夾江縣西

縣東南去州八十里

青衣水逕平鄉謂之平鄉江益州記曰平鄉江東逕

峨眉山在南安縣界去成都南千里然秋日清澄望

見兩山相守如峨眉焉青衣水入東流注於大江

禹貢

錐指云青衣水自蘆山縣北東流入雅州與沫水合沫水自威州徼外東南流逕天全六葛招討司西北又東南逕蘆山至雅州東青衣水注之又東洪雅夾江峨眉至嘉定州會減水入大江二水本異源鄜注云濛水即大渡水據下流合處言之耳

桓水出蜀郡岷山西南行羌中入於南海

尚書禹貢岷嶓既藝沱潛既道蔡蒙旅平和夷底績

鄭元曰和上夷所居之地也和讀曰桓地志曰桓水

出蜀郡蜀山西南行羌中者也尚書又曰西傾因桓

是來馬融王肅云西治傾山唯因桓水是來言無他

道也余按經據書岷山西傾俱有桓水桓水出西傾

山更無別流所導者唯斯

原本
譌自

水耳浮於潛漢而達

江沔故晉地道記曰梁州南至桓水西底黑水東限

扞關今漢中巴郡汶山蜀郡漢嘉江陽朱提涪陵陰
平廣漢新都梓潼犍為武郡上庸魏興新城皆古梁
州之地自桓水以南為夷書所謂和夷底績也然所
可當者唯斯水與江耳桓水蓋二水之別名為兩江
之通稱矣鄭元注尚書言織皮謂西戎之國也西傾
雍州之山也雍戎二野之間人有所事於京師者道當
由此州而來桓是隴坂名其道盤桓旋曲而上故名
曰桓是今其下民謂是坂曲為盤也斯乃元之別致

恐乖尚書因桓之義非浮潛入渭之文余考校諸書
以具見聞今畧緝綜川流注泂之緒雖今古異容本
其流俗粗陳所由然自西傾至葭萌入於西漢即鄭
元之所謂潛水者也自西漢遡流而屆於晉壽界阻
漾枝津南歷置穴迤邐而接漢泂此入漾書所謂浮
潛而逾沔矣歷漢川至南鄭縣屬於褒水遡褒暨於
衙嶺之南溪川皮胡云川皮當作水支字之譌也灌於斜川屆於武
功而北達於渭水此乃水陸之相關川流之所經復

不乖禹貢入渭之宗實符尚書亂河之義也

禹貢錐指云漢志蜀郡下云禹貢桓水出蜀山

元和

志茂州通化縣本漢廣柔縣地蜀山在縣東北六里

西南行羌中入南海水

經同今按此別是一水行羌中入南海不復經中

國指為禹貢之桓水何其謬也孔傳曰西傾山名

桓水自西傾山南行因桓水是來浮於潛酈道元

云岷山西傾俱有桓水此亦為班孔作調人耳桓

字古有和音鄭康成讀和夷之和曰桓謂水上即

夷所居晉地道記云梁州之地自桓水以南為夷書所謂和夷底績也依鄭說其所指者當為漢之泚水唐之大渡河而謂此水即西傾所因之桓大非鄭既破和為桓其於因桓是來則又云桓是隴坂其道盤桓旋曲而上故名曰桓支離舛錯殊不可通

若水出蜀郡旄牛徼外東南至故關為若水也

司馬相如傳曰

畧定西南夷邊關益斥西至沫若水又曰關沫若是若水故有關也

山海經曰南海之內黑水之間有木名曰若木若水出焉又云灰野之山有樹焉青葉赤華厥名若木生崑崙山西附西極也淮南子曰若木在建木西木有

十華

淮南子作末注曰末端也華光也言木末有光如華也

其光照下地故屈

原離騷天問曰羲和未陽若華何光是也然若木之生非一所也黑水之間厥木所植水出其下故水受其稱焉若水汭流間關蜀土黃帝長子昌意德劣不足紹承大位降居斯水為諸侯焉娶蜀山氏女生顓

項於若水之野有聖德二十登帝位承少皞金官之

政以水德寶歷矣若水東南流鮮水注之

漢志鮮水出旄牛徼

外南入若水

一名州江大度水出徼外至旄牛道南流入

於若水又逕越嵩大旄縣入繩繩水出徼外山海經曰巴遂之山繩水出焉東南流分為二水其一水枝

流東出逕廣柔縣

今為石泉縣

東流注於江其一水南逕

旄牛道至大旄與若水合自下亦通謂之為繩水矣

旄夷也汶山曰旄南中曰昆彌蜀曰邛漢嘉越嵩曰

苻皆夷種也

南過越雋邛都縣西直南至會無縣

今為會川營地

淹水東南

流注之

邛都縣漢武帝開邛苻置之縣陷為池今因為邛

池南人謂之河河中有蛙

字疑

雋山有雋水言越此

水以章休盛也後復反叛元鼎六年漢兵自越雋水

伐之以為越雋郡治邛都縣王莽遣任貴為領戎大

尹守之更名為集雋也縣故邛都國也越雋水即繩

若矣似隨水地而更名矣又有溫水冬夏常熱其源

可燂雞豚下湯沐洗能治宿疾昔李驤敗李流於溫

水是也

胡渭曰按此溫水源流不遠非漢志牂柯郡鐔封縣下之溫水東至廣鬱入鬱者金吉甫

謂漢志以瀘為溫字後省誤非也邛都唐為雋州越雋縣今建昌衛四川行都司治領營四會川鹽井冕

山越

若水又逕會無縣

元和志會川縣北至雋州三百七十里本漢會無縣也今

為會川營地縣有駿馬河水出縣東高山山有天馬徑厥

跡存焉馬曰行千里民家馬牧之山下或產駿駒言

是天馬子河中有貝子胎銅

朱云胎銅謂銅璞也今華陽國志云河中有銅

鉛鉛乃胎字之誤耳以羊祠之則可取也又有孫水焉水出臺

高縣即臺登縣也孫水一名白沙江南流逕邛都縣

司馬相如定西夷橋孫水即是水也又南至會無入

若水

漢志臺登縣孫水南至會無入若行七百五十里元和志肅州臺登縣正南微西至州一百七

十里念諾水本名繩水流入瀘水在縣西北七十里自羌戎界流入長江水本名孫水出縣西北胡浪山

下今冕山營東北有孫水若水又南逕雲南郡之遂久縣蜻蛉水

入焉遂久縣本屬越雋郡蜀漢建興三年分益州永昌置雲南郡以遂久來屬蜻蛉水出蜻蛉縣西

東逕其縣下又東注於澠水漢志蜻蛉縣焉同山有金馬碧雞水出蜻蛉縣西東逕

其縣下縣以氏焉有石猪折長谷中有石猪子母數

千頭長老傳言夷昔牧此

華陽國志作夷昔牧猪於此

一朝化為

石迄今夷人不敢往牧貪水出焉蜻蛉水又東注於

繩水繩水又逕三絳縣西又逕姑復縣北對三絳縣

淹水注之

按漢志臺登會無遂久蜻蛉三絳姑復並屬越雋郡

三絳一曰小會

無故經曰淹至會無注若水若水又與母血水合水

出益州郡弄棟縣東農山母血谷北流逕三絳縣南

北入繩水又東涂水注之水出建寧郡之牧靡縣

漢志益州郡作牧靡但後漢書郡國志及華陽國志酉陽雜俎俱作牧靡恐是漢志之誤南山縣

山並即草以立名山在縣東北焉句山南五百里山

生牧靡可以解毒百卉方盛烏多侯食烏啄口中毒

必急飛往牧靡山啄牧靡以解毒也

漢志益州郡牧靡南山臘涂水

所出西北至越雋入繩李奇曰靡音麻即升麻後漢書郡國志益州郡牧靡晉書地理志建寧郡牧靡酉

陽雜俎建寧郡牧靡縣烏句山南五百里牧靡草可以解毒百卉方盛烏鵲誤食其啄中毒必急飛牧靡

上啄牧靡以解也

涂水道源臘谷西北流至越雋入繩

漢志益州

郡牧靡縣南山臘涂水繩水又逕越雋郡之馬湖縣所出西北至越雋入繩

今為四川馬湖府

謂之馬湖江又左合卑水縣而東流注馬

湖江也

又東北至捷為朱提縣西

西下疑有脫文

瀘江水

後漢書建武十九年武威

將軍劉尚擊西南夷反者棟蠶渡瀘水入益州郡注云瀘水一名若水出旄牛徼外經朱提至犍道入江今在

南 雋州

朱提山名也應劭曰在縣西南縣以氏馬捷為屬國

也在郡南千八百許里建安二十年立朱提郡郡治

縣故城

胡渭曰朱提郡尋廢諸葛亮南征復置自梁陳以來不復賓服隋開置叅州唐改為曲州

元和志云曲州南北四百里東西七百里終年密霧未嘗覩日月輝光樹木皆衣毛深厚時時多水濕晝夜沾洒上無飛鳥下絕走獸惟夏月頗有蝮蛇土人呼為漏天也

郡

原本

西南二百

里得所館堂琅縣

劉昭曰朱提縣西南有堂琅山多毒草盛夏之月飛鳥過之不能得

去西北行上高山羊腸繩屈八十餘里或攀木而升

或繩索相牽而上緣陟者若將階天故袁休明巴蜀

志云高山嵯峨巖石磊落傾側縈迴下臨峭壑行者

扳緣牽援繩索三蜀之人及南中諸郡以為至嶮有

瀘津東去縣八十里水廣六七百步深十數丈多瘴

氣鮮有行者晉明帝太寧二年李驤等侵越雋攻臺
登縣寧州刺史王遜遣將軍姚岳擊之戰於堂琅驤
軍大敗岳追之至瀘水赴水死者千餘人遜以岳等

不窮追怒甚髮上衝冠恰裂而死按永昌郡有蘭倉

水出西南博南郡

宋本作縣

漢明帝永平十二年置博南

山名也縣以氏之其水東北流出博南山漢武帝時

通博南山道渡蘭倉津土地絕遠行者苦之歌曰漢

德廣開不賓渡博南越倉津渡蘭倉為作人

華陽國志作為

人山高四十里蘭倉水出金沙越人收以為黃金又

有光珠穴穴出光珠又有琥珀珊瑚黃白青珠也蘭

倉水東北逕不韋縣與類水合水出雋唐縣

今雲南大理府

地漢武帝置類水西南流曲折又北流東至不韋縣

注蘭倉水又東與禁水合水自永昌縣而北逕其郡

西水左右甚饒犀象山有鈎蛇長七八丈尾末有岐

蛇在山澗水中以尾鈎岸上人牛食之此水旁瘴氣

特惡氣中有物不見其形其作有聲中木則折中人

則害名曰鬼彈

何氏云左思蜀都賦初有鬼彈飛丸礮礮之句後改定無之見世說注

惟十一月十二月差可渡正月至十月還之無不害

人故郡有罪人徙之禁傍不過十日皆死也禁水又

北注瀘津水又東逕不韋縣北而東北流兩岸皆高

山數百丈瀘峯最為高秀孤高三千餘丈是山於晉

太康中崩震動郡邑水之左右馬步之徑裁通而特

有瘴氣三月四月還之必死非此時猶令人悶

疑作悶

吐五月以後行者差得無害故諸葛亮表言五月渡

瀘并日而食臣非不自惜也顧王業不可偏全於蜀

故也益州記曰瀘水源出曲羅舊下三百里曰瀘水

兩峯有殺氣暑月舊不行故武侯以夏渡為艱瀘水

又下合諸水而揔其目焉故有瀘江之名矣自朱提

至犍道有水步道有黑水羊官水至嶮難三津之阻

行者苦之故俗謂之語曰猶項本溪赤木盤蛇七曲作搗

盤羊烏櫬氣與天通看都護泚住柱疑作呼尹庾降

賈子老疑是檐原本七里看都二語未詳華陽國志

左檐譌檐云庾降賈子左檐七里按

庾隆屯名也華陽國志建寧郡治故庾隆都督屯也
李克蜀記曰蜀山自綿谷葭萌道徑險仄北來擔負
者不容易肩又有牛叩頭馬搏頰坂其艱嶮如此也
謂之庄擔道

又東北至犍道縣入於江

若水至犍道縣又謂之馬湖江繩水瀘水孫水淹水
大渡水隨決入而納通稱是以諸書錄記羣水或言

入若又言注繩亦咸言至犍道入江正是異水沿注

通為一津更無別川可以當之水有孝子石西

西字當在

上句水字下

宋本西作昔縣人有隗叔通者性至孝為母給江

膺水

事具華陽國志
江膺作江裔

天為出平石至江膺中今猶謂

之孝子石可謂至誠發中而休應自天矣

禹貢錐指云按今府縣圖志若水在建昌衛俗名打

沖河自冕山營西徼外

營故寧番衛在建昌衛東北

東南流至

衛西鹽井營東南與雲南金沙江合

營在衛西元和志雋州昆

明縣東北至州三百里本漢定犂縣也出鹽鐵夷

皆用之漢將張窳殺其豪率遂獲鹽鐵之利鹽井

在縣城中取鹽先積此水燒之以水洗土即成黑
鹽凡言犂者夷人以大江水上置藤橋謂之犂其
定犂大犂皆是近水置藤橋處

金沙江源出吐蕃界至其龍山聲

牛石下南流漸廣本名犛水後訛為麗東南流經

麗江府北又東經姚江府北合打沖河又東合瀘

水又東經會川營南

通典會川縣有瀘水五月渡瀘即此元和志雋州南至瀘

渡四百五十里

又東至東川府西折而東北經烏蒙府西

北又東北經馬湖南又東逕叙州府南而北入大

江鹽井東南蓋即漢大茆縣界繩若合流處若

為建昌衛西之打沖河繩則姚安府北之金沙江

也瀘本作盧如盧弓盧矢盧橘之類皆馴黑劉

熙釋名土黑曰盧沈括筆談云夷人謂黑為盧漢
中山盧奴縣有盧水酈道元云水黑曰盧不流曰
奴尤盧水為黑水之切證也牧誓八國有盧人疑
即居盧水上者其字後加水作瀘章懷太子注後
漢書云瀘水一名若水則瀘若似非異源而酈元
引益州記曰瀘水源出曲羅舊下三百里曰瀘水
兩峯有殺氣暑月舊不行故武侯以夏渡為艱瀘
水又下合諸水而總其目焉故有瀘江之名矣據

此則瀘水自出曲羅舊其地當在若水之東下流
合若水故若水兼瀘水之目所謂隨決入而納通
稱者也元和志云窩州西瀘縣東北至州二十七
里本漢邛都縣地瀘水在縣西一百十二里水峻
急而多石土人以牛皮作船而渡一船勝七八人
蓋即曲羅舊之瀘水也考其源流不出漢越窩犍
為二郡界而杜氏通曲云吐蕃有可跋海去赤嶺
百里方圓七十里東南流入西洱河合流而東號

漾濞水又東南出會川為瀘水瀘水即黑水也程
大昌金履祥之說皆出於此漾濞水見唐書在今
大理府西百里西洱河即葉榆河也出大理鄧川
州點蒼山匯為巨湖周三百里亦曰西洱海今按
水經注葉榆河出益州郡葉榆縣縣東有葉榆澤
葉榆水之所鍾也其水自縣南枝分東北流逕遂
久縣東姑復縣西與淹水合淹水雖合繩若入蜀
江而葉榆初無黑水之名也何以知為黑水之源

其經流則自邪龍縣東南流逕滇池縣南又東與盤江合又東南至交趾麋冷縣入海此與會川相去懸絕並不合繩若入蜀江安得謂漾濞水東南出會川為瀘水即滇池縣北所祠之黑水哉杜說非是又按水經注永昌郡有蘭倉水出博南縣漢武帝時道博南山道渡蘭倉津土地絕遠行者苦之歌曰漢德廣開不賓度博南越倉津其水東北流逕不韋縣與類水合入東與禁水合又北注瀘

津水然則此蘭倉水仍東北合瀘水入蜀江也若
今之所謂蘭倉江元人指以為禹貢之黑水者則
東南流至交阯入海與梁州絕無交涉影響附會
之談殊不足信 漢志滇池澤在滇池縣西北有
黑水祠後漢志縣北有黑水祠或以為武帝開置
益州郡始立之非也使帝知郡界有黑水而立此
祠則班史必知其所在而能言之矣竊謂此祠蓋
彼中相承已久黑水即金沙江東經會無縣南南

直隸池縣縣故滇王國於其北立祠祭之宜矣自
周衰以迄漢初聲教阻絕故尚書家莫能言梁州
黑水之所在千載而下尚賴有此祠可以推測而
得之語云天子失官學在四夷又云禮失而求之
野此亦其一端也 杜佑以漾濞水經會川縣者
為黑水樊綽以麗水合瀾諾江者為黑水程大昌
以西洱河貫葉榆澤者為黑水元人則以闡倉江
至交趾入海者為黑水而明李元陽引張立道之

事以為證此皆轉相附會以求合於八南海之文
非實有所驗也以是為雍界之黑水吾不敢知如
謂梁界之黑水亦即斯川則梁州奄有雲南極於
交趾以一州而兼數州之地何至若是之廣遠此
可以理斷之而信其必不然者也

沫水出廣柔徼外

漢志蜀郡有廣柔縣其故城在今威州西今石泉縣是其故地

縣有石細鄉禹所生也

宋本作石組鄉禹所生也開山圖注云女狄募汲石組山下泉中得月精

如雞子吞之遂孕十四月而生禹楊雄蜀本紀云禹本汶川郡廣柔縣也生於石組括地志云茂州汶川

縣石紐山在縣西七十三里

今夷人共營之地方百里不敢居牧

有罪逃野捕之者不逼能藏三年不為人得則共原

之言大禹之神所祐之也

東南過旄牛縣北

今之黎大所即旄牛縣故地

又東至越嶲靈道縣

出蒙山南

胡渭云越嶲靈閣道去蒙山甚遠沫水所經當屬漢嘉郡之靈閣縣經注並譌

靈道縣一名靈閣道漢制夷狄白

上下疑有譌字疑白當作曰

道

縣有銅山山人有劉慈者

此下疑有脫大常有晉字

大始九年黃

龍二見於慈池縣令董玄之率吏民觀之以白刺史

王濬濬表上之晉朝改護龍縣也沫水出岷山西東
流過漢嘉郡南流衝一高山山上合下開水逕其間
山即蒙山也

東北與青衣水合

華陽國記曰二水於漢嘉青衣縣東合為一川自下
亦謂之為青衣水又東逕開邦縣故平鄉也晉初
置沫水又東逕臨邛南而東出於江源縣也

東入於江

昔沫水自蒙山至南安而溷崖水脉漂疾故害舟船
歷代為患蜀郡太守李冰發卒鑿平溷崖河神顛怒
冰乃操刀入水與神鬪遂平溷崖道正水路開處即
冰所穿也

延江水出犍為南廣縣

今成都府富順等縣及叙州府慶符縣地

又東至牂

牁縣東屈北流

牁縣故犍為郡治也縣有犍山晉建興元年置平夷
郡縣有牁水出牁邑西不狼山東與溫水合溫水一

曰煖水出犍為符縣

今四川瀘州及諸縣地

而南入氍水氍亦

出符縣南與溫水會關駟謂之關水俱南入氍邑

一作

水氍水於其縣而東注於延水延水又與漢水合出

犍為漢陽道

今叙州府長寧縣

王莽之親通也山關谷東至

氍邑入延江水也

漢地理志犍為郡漢陽縣都尉治山關谷漢水所出東至氍入延此

之山關當作山關

至巴郡涪陵縣

今重慶府涪州及武陵縣

注更始水

更始水即延江枝分之始也延水北入涪陵水涪陵

水出縣東故邑郡之南鄙王莽更名巴亭魏武分巴

丘為涪陵郡

兩漢地志巴郡俱有涪陵縣晉地志云蜀置涪陵郡領縣五晉因之今云魏武

分巴丘為涪陵郡所未詳也。按晉書地理志又云漢獻帝建安六年改永寧為巴東以巴郡為巴西又立涪陵郡則涪陵郡之立斷是漢始矣張堪為縣會公孫述擊堪同心

義士選習水者筏渡堪於小別江即此水也

後漢書張堪為

謁者使送委輸縑帛并領騎車詣大司馬吳漢伐公孫述在道追拜蜀郡太守時漢軍餘七日糧陰具船欲遁去堪馳往見漢說述必敗已而果拔成都其水北至枳縣今為重慶府長壽南川二

縣地入江更始水東入巴東之南浦縣其水注引瀆水

石門空岫陰深邃澗閭密傾崖上合恒有落勢行旅
避瘴將有遷之處無不危心於其下又謂之西鄉水
亦謂之西鄉溪溪水間關二百許里方得出山又通
波注遠復二百餘里東南又

上下疑有譌字
脫文入當作入

遷陵縣

也

又東南至武陵西陽縣

按漢志武陵郡有西陽縣應劭曰酉水所出今云西陽譌入

入

於酉水

武陵先賢傳曰潘京世長為郡主簿太守趙偉甚器

之問京貴郡何以名武陵京答曰鄙郡本名義陵在辰陽縣界與夷相接數為所破光武時移治東山上遂爾易號傳曰止戈為武詩云高平曰陵於是名焉酉水北岸有黥疑是黥下同陽縣許慎曰溫水南入黥蓋鼈水以下津流沁注之通稱也故縣受名焉西鄉溪口在遷陵縣故城上五十里左合酉水酉水又東際其故城北又東逕酉陽故縣南而東出也兩縣相去水道可四百許里於酉陽合也

酉水東南至沅陸

當作沅陵今辰州府治及諸縣地

縣入於沅

按酉水注錯簡

在三十七卷沅水注內今改正於此。明一統志酉水在辰州府城西北五里源出酉陽東入沅水

酉水導源益州巴郡臨江縣

今為重慶府忠州

故武陵之充

縣酉源山東南流逕陽故縣南

陽故上漏無字按漢志武陵郡有無陽遷

陵二縣相近後漢志省無陽晉志作舞陽即無陽也

又東逕遷陵故縣界與西

鄉溪合即延江之枝津更始之下流謂之西鄉溪口

酉水又東逕遷陵縣故城北王莽更名曰遷陸也酉

水東逕酉陽故縣南縣故酉陵也酉水又東逕沅陵

縣北又東南逕潘承明壘西承明討五溪蠻營軍所

築

吳志潘濬字承明官太常五谿蠻夷叛亂孫權假濬督諸軍討之斬獲萬數自是羣蠻衰弱一易寧

靜

其城跨山枕谷酉水又南注沅水閼駟謂之受水

其水所決八名曰酉

存水出犍為郁郾縣

漢地志作郁郾縣注云郾音莫亞反

王莽之孱郾也

漢志莽曰孱郾

益州大姓雍闢反結壘於山

繫馬柳柱柱生成林今夷人名曰雍無梁林梁夷言

馬也周水自縣東南流逕牧靡縣北又東逕且蘭縣

北今為馬湖府地而東南出也

東南至鬱林

漢鬱林郡今為廣西柳州等府

定周縣為周水

周水又東逕牂牁郡之無歛縣北

漢牂牁郡今四川馬河府地

而

東南與無歛水合矣水首受牂牁水東逕無歛縣為無歛水又東注於存水存水又東逕鬱林定周縣為周水盖水變名也

又東北至潭中縣

今柳州府治及諸縣地

注於潭

溫水出牂牁夜郎縣

縣故夜郎侯國也唐蒙開以為縣王莽名曰同亭矣

溫水自縣西北流逕談臺

漢志牂牁郡談臺縣師古曰音丑老反此云談臺譌

與迷水合水西出益州郡之銅瀨矣

疑譌當是縣

談虜山

地理志銅瀨縣注云談虜山迷水所出

東逕談臺縣

當作東逕談臺縣

右注溫

水溫水又西逕昆澤縣南又逕味縣縣故滇國都也

諸葛亮討平南中劉禪建興元年分益州郡置建寧

郡於此水側皆是高山山水之間悉是木耳夷居語

言不同嗜欲亦異

華陽國志云夷人大種曰昆小種曰叟皆曲頭木耳環鐵裹結

雖

曰山居土差平和而無瘴毒溫水又西南逕須

當作滇

池於

疑衍或當作之

西北池周三百許里上源深廣下流淺

狹似如倒池

一作倒流

故曰滇池也長老傳下流淺言池

中有神馬家馬交之則生駿駒日行五百里晉太元

十四年寧州刺史弗賈統言晉寧郡滇池縣兩神馬一

白一黑盤戲河水之上有滇州元封三年立益

漏州字

郡治滇城劉禪晉寧郡治也溫水又西會水澤與葉

榆僕水合

漢地志益州有葉榆縣今為大理府治志云葉榆澤在東貪水首受青蛉水南至邨

龍入僕溫水又東南逕牂牁之母單縣建興中劉禪割

屬建寧郡橋水注之水上承俞元之南池漢志作俞元今為潏

江府治志云池在南橋水所出東至母單入溫縣治龍池洲周四十七里一

名河水與邪龍分浦後立河陽郡今潏江府治治河陽縣

縣在河源州上又有雲平縣並在州疑作洲中橋水東

流母單縣注於溫溫水又東南南下當有逕字興古郡之母

掇縣東按漢志母掇屬益州郡掇師古曰其字從木音之悅反今從手譌興古郡蜀置晉因之統

縣十一晉書地理志作掇此蓋從晉書故從手也王莽更名有掇也與南橋

水合水出縣之橋山東流梁水注之梁水上承河水

與

疑作於

俞元縣而東南逕興古之勝休縣王莽更名

勝熒縣梁水又東逕毋掇縣左注橋水橋水又東注
於溫溫水又東南逕律高縣南劉禪建興三年分牂
牁置興古治宛溫縣晉書地道記治此溫水又東南
逕梁水郡南溫水上合梁水故自下通得梁水之稱
是以劉禪分興古之盤南置郡於梁水縣也溫水又
東南逕鐔封縣北又逕來唯縣東而僕水右出焉

又東至鬱林廣鬱縣

今為廣西潯州府貴縣

為鬱水

秦桂林郡也漢武帝元鼎六年更名鬱林郡王莽以
為鬱平郡矣應劭地理風俗記曰周禮鬱人掌裸器
凡祭醕賓客之裸事和鬱塗以實樽鬯鬱芳草也百
草之華者以合釀黑黍以降神者也或說今鬱金香
是也一曰鬱人所貢因氏郡矣溫水又東逕增食縣
有文象水注之其水道源牂牁句町縣應劭曰故句
町國也王莽以為從化文象水蒙水與盧唯水來細

水伐水並自縣東歷黃鬱至增食縣注於鬱水也

又東至領方縣東

今為廣西柳州府賓州及南寧府治暨諸屬縣地

與斤南水

合

縣有朱涯

當作厓下同

水出臨塵縣

漢志臨塵縣朱涯水入領方

東北

流驤水注之

漢志增食縣驤水首受牂牁東界入朱涯水今云驤水誤

水源上承

牂牁水東逕增食縣而下注朱涯水朱涯水又東北

逕臨塵縣王莽之監塵也縣有斤南水侵離水並逕

臨塵東入領方縣流注鬱水

按漢志臨塵縣有斤員水朱引漢志亦作南豈

藏本各
異耶

東北入於鬱

鬱水即夜郎豚水也

漢志廣鬱縣鬱水首受夜郎豚水東至四會入海

漢武

帝時有竹王興於豚水有一女子浣於水濱有三節

大竹流入女子足間推之不去聞有聲持歸破之得

一男兒遂雄夷漢

華陽國志作長養有才武遂雄夷狄

氏竹為姓所損

破竹於野成林王祠竹林是也王嘗從人止大石上

命作羹從者曰無水王以劍擊石出水今竹王水是

也後唐蒙開牂牁新竹王首夷獠咸怨以竹王非血

氣所生求為立祠

華陽國志作求為立嗣

帝封三子為侯及死

配父廟今竹王三郎祠其神也豚水東北流逕談橐

縣東逕牂牁郡且蘭縣

今為四川播州

謂之牂牁水水廣數

里縣臨江上故且蘭侯國也一名頭蘭牂牁郡治也

楚將莊蹻泝沅伐夜郎釋牂牁繫船因名且蘭為牂

牁矣

華陽國志云楚傾襄王時遣莊蹻伐夜郎以且蘭有板船牂牁處乃改其名為牂牁師古曰牂

牁繫船牁也牁音戈

漢武帝元鼎六年開王莽更名同亭在柱

浦關

漢志牂牁郡有柱蒲關

牂牁亦江中兩山名也左思吳都

賦云吐浪牂牁者也元鼎五年武帝伐南越發夜郎

精兵下牂牁江同會番禺是也牂牁水又東南逕毋

歛縣西毋歛水出焉又東驩水出焉又逕鬱林廣鬱

縣為鬱水又東北逕領方縣北又東逕布山縣北今廣

西潯州府治

鬱林郡治也吳陸緒謂子績曰從今以去何氏

云從今以去云云本陸績語績父名康不知六十年車

酈氏據何書而云名緒并駕其語於績父也同軌書同文至太康元年晉果平吳又逕中留縣南

今梅州府象州

與溫水合又東入阿林縣潭水注溫

疑作水

出武陵郡潭城縣

今為辰州府黔陽縣

玉山東流逕鬱林郡潭

中縣

今柳州府治

周水自西南來注之潭水又東南流與

剛水合水西出牂牁毋歛縣王莽之有歛也東至潭

中縣入潭潭水又逕中留縣

今柳州府蒙州

東阿林縣西右

入鬱水地理志曰橋水東至中留入潭又云領方縣

而有橋水余診其川流更無殊津正是橋溫亂流故

兼通稱作者咸言至中留入潭潭水又得鬱之兼稱

而字當為南南橋水也蓋書字誤耳

今本漢志領方縣下云斤員水

入鬱又有橋水不作而

鬱水右則留水注之水南出布山縣下

逕中留入潭潭水東逕阿林縣又東逕猛陵縣

今為梧州

府藤縣浪水注之

山海經作浪水三十七卷浪水南至鬱林潭中縣與隣水合則此亦當作

浪又東逕蒼梧廣信縣

今廣西梧州府治及廣東肇慶府封川縣

離水注

之鬱水又東封水注之出臨賀郡

晉地理志臨賀郡領縣六曰臨賀謝

沐馮乘封陽興安富川今廣西平樂府賀縣乃漢臨賀縣地

馮乘縣西謝沐縣東

界牛屯山謂之臨賀

疑當作臨水

東南流萌渚嶠西又東

南左合嶠水庾仲初云水出萌渚嶠南流入於臨臨
水又逕臨賀縣東又南至郡左會賀水水出東北興
安縣西北有羅山東南流逕興安縣西盛弘之荊州
記云興安縣水邊有平石上有石履言越王渡溪脫
履於此賀水又西南流至臨賀郡東右注臨水郡對
二水之交會故郡縣取名焉臨水又西南流逕郡南
又西南逕封陽縣東今廣東肇慶府為封溪水故地理志曰
縣在封水漢志封陽下應劭曰在封水之陽北漏之陽兩字又西南流入廣

信縣南流注於鬱水謂之封溪水口者也鬱水又東

逕高要縣

今為肇慶府治

牢水注之牢水南出交州合浦郡

治合浦縣

今廣西廉州梧州兩府及各縣地

漢武元鼎六年平越所

置也王莽更名曰桓合縣曰桓亭孫權黃武七年改

曰珠官郡郡不產穀多採珠寶前政煩苛珠徒交趾

會稽孟伯周為守有惠化去珠復還

謝承後漢書孟嘗字伯周為合

浦太守郡境舊採珠以易米食先時二千石貪穢使

民採珠積以自入珠忽徙去合浦無珠餓死盈路孟

嘗行化一年之

郡統臨先漢志作

縣王莽之大允也

間去珠復還

牢水自縣北流逕高要縣入於鬱水鬱水南逕廣州

南海郡西浪水出焉又南右納西隨三水又南逕四

會浦水上承日南郡

今廣西慶遠府界

盧容縣西古郎究浦

內漕口馬援所漕水東南屈曲通郎湖湖上承金山

郎究究水北流左會盧容壽冷二水盧容水出西南

區粟城南高山山南長領連接天障嶺西盧容水湊

隱山繞西衛北而東逕區粟城北又東右與壽冷水

合水出壽冷縣界

漢志交趾郡有麓冷縣音廉零後漢郡國志晉地理志作廉冷唯宋

書州郡志作壽冷晉武帝太康十年分西卷立壽冷縣屬日南郡今注俱作壽冷從宋志也魏正

始九年林邑進侵至壽冷縣以為界疆即此縣也區

粟城南長嶺東壽冷縣以水湊故水得其名隱山繞

東逕區粟故城南考古志並無區粟之名應劭地理

風俗記曰日南故秦象郡漢武帝元鼎六年開日南

郡治西捲縣林邑記曰城去林邑步道四百餘里交

州外城記曰從日南郡南去到林邑國四百餘里准

原本逕相符然則城故西捲縣也地理志曰水入海

有竹可為杖王莽更之曰日南亭林邑記曰其城治
二水之間三方際山南北瞰水東西澗浦流湊城下
城西折一角周圍六里一百七十步東西度六百五
十步磚城二丈上起磚牆一丈開方隙孔墼上倚板
板上五重層閣閣上架屋屋上架樓樓高者七八丈
下者五六丈城開十三門凡殿南向屋宇二千一百
餘間市居周匝上下疑有脫文繞岨峭地險林邑故兵器戰
具悉在區粟多城壘自林邑王范胡達始

晉書武帝
太康中林

邑王范逸始來貢獻逸有奴曰文隨商賈往來見上國制度至林邑教逸作宮室城邑及器械逸死文遂篡其位文死子佛嗣義熙中佛死子胡達立上書貢金盤椀及金鉦等物秦餘徙民染同

夷化日南舊風變易俱盡巢棲樹宿負郭接山榛棘

蒲薄騰林拂雲幽烟冥緬非生人所安區粟建八尺

表日影度南八寸自此影以南在日之南故以名郡

望北辰星落在天際日在北故開北戶以向日此其

大較也范泰古今善言曰

隋志宋車騎將軍范泰撰古今善言三十卷日

南張重舉計入洛正旦大會明帝問日南郡北向視日

也重曰今郡有雲中金城者必不皆有其實日亦俱
出於東耳至於風氣暄暖日影仰當官民居止隨情
面向東西南北迴背無定人性凶悍果於戰鬥便山
習水不閑平地古人云五嶺者天地以隔內外況綿
塗於海表顧九嶺而彌邈非復行路之逕岨信幽荒
之冥域者矣壽冷水自宋本自下有城字西南東與盧容水
合東注郎究究水所積下潭為湖謂之狼疑作郎湖浦
口有秦時象郡墟域猶存自湖南望外通壽冷從郎

湖入四會漕元嘉二十年以林邑頑凶歷代難化恃
遠負衆慢威背德北竇旣臻南金關貢乃命偏將與
龍驤將軍交州刺史檀和之陳兵日南修文服遠二

十三年揚旌從四會漕口入郎湖軍次區粟

宋書林邑傳云

區粟者林邑地界城名也

進逼圍城以飛梯雲橋懸樓登壘鉦鼓

天作虎士電怒風烈火揚城摧衆陷斬區粟王范扶

龍首十五以上戮截無赦樓閣雨血填尸城

疑作觀

自四會南入得盧容浦口晉太康三年省日南部屬

國都尉以其所統盧容縣置日南郡及象林縣之故
治晉書地道記曰郡去盧容浦口二百里故秦象郡
象林縣治也永和五年征西桓溫遣督護膠畯率交
會兵伐范文於舊日南之盧容縣為文所敗即是處
也晉書云范文襲九真害士庶十八九征西都護膠
畯率交廣之兵伐文於盧容為文所敗云云則膠
畯當作滕畯交
會當作交廣矣退次九真更治兵文被創死子佛代
立七年畯與交州刺史楊平復進軍壽冷浦入頓郎
湖討佛於日南故治佛蟻聚連壘五十餘里畯平破

之佛逃竄川數遣大帥面縛請罪軍門遣武陳延勞
佛子與盟而還康泰扶南記曰從林邑至日南盧容
浦口可二百餘里從口南發往扶南諸國常從此口
出也故林邑記曰盡紘滄之徼遠極流服之無外
地濱滄海衆國津逕鬱林一作水南倉通壽冷即一浦
也浦上承交趾郡南都官塞浦林邑記曰浦通銅鼓
外越安定黃岡心口蓋籍度銅鼓即越駱也有銅鼓
因得其名馬援取其鼓以鑄銅馬至鑿口馬援所鑿

內通九真浦陽晉書地道記九德郡有浦陽縣交州

記曰鑿南塘者九真路之所經也去州五百里建武

十九年馬援所開林邑記曰外越紀粟望都紀粟出

浦陽渡便州至與

宋本作典

由渡故縣至咸驪咸驪屬九

真咸驪已南虜虜滿岡鳴咆命疇警嘯聒野孔雀飛

翔蔽日籠山渡治日

一作口

至九德按晉書地道記有

九德縣交州外城記曰九德縣屬九真郡在郡之南

與日南接蠻盧峯居其地死子寶綱代孫黨服從吳

化定為九德郡又為隸之林邑記曰九德九夷所極故以名郡郡名所置周越蒙氏之夷國周禮九夷遠

極越蒙白雉象牙重九譯而來自九德道

宋本作通類口

水源從西北遠荒逕寧州界來也九德浦內逕越蒙

究九德究南陵究按晉書地道記九德郡有南陵縣

縣下疑脫晉字

置也

宋書州郡志交州九德郡南陵縣晉武帝立

竺芝扶南記山

溪瀨中謂之究地理志曰郡有小水五十二并行大川皆究之謂也林邑記曰義熙九年交趾太守杜慧

度造九真水日與林邑王范胡達戰擒斬胡達二子
虜獲百餘人胡達限五月慧度自九真水歷都粟浦
復襲九真長圍跨山重柵斷浦驅象前鋒接刃城下
連日交戰傷殺乃退地理志曰九真郡漢武帝元鼎
六年開治胥浦縣王莽更之曰驩城也晉書地道記
曰九真郡有松原縣林邑記曰松原以西鳥獸馴良
不知畏弓寡婦孤居散髮至老南移之嶺崦不喻仞
倉庚懷春於其北翡翠熙景乎其南雖嚶嚶接響晉城

隔殊非獨步難遊俗姓塗分故也自南陵究出於南

界蠻進得橫山太和三年范文侵交州於橫山分界

度此景廟

此朱本作北但後有比景縣忍此亦當作比廟亦當作縣也

由門浦至

古戰灣吳赤烏十一年魏正始元年交州與林邑於

灣大戰初失區粟也渡盧容縣日南郡之屬縣也自

盧容縣至無戀

無戀未詳漢志九真郡有無編縣恐是無編之誤

越烽火至

比景縣日中頭上影當身下與影為比如淳曰故以

比影名縣閩駟曰比讀蔭庇之庇影在已下言為身

所庇也林邑曰渡比景至朱吾朱吾縣浦今之封界

朱吾以南有文狼人野居無室宅依樹止宿魚食生

肉

上下疑有錯文譌字或是食生魚肉

採香為業與人交市若上皇之

民矣縣南有文狼究下流逕通晉書地道記曰朱吾

縣屬日南郡去郡二百里比

朱本作此

縣民漢時不堪二

千石長吏調求引屈都乾為國林邑記曰屈都夷也

朱吾浦內通無勞湖無勞究水通壽冷浦元嘉元年

交州刺史阮彌之征林邑楊邁

按晉書夷蠻傳作林邑王范陽邁今漏范

字作楊邁誤所載
事亦與傳不合

出嫁不在奮威將軍阮謙之領七

千人先襲區粟以過四會未入壽冷三日三夜無頓
止處凝海直岸遇風大敗楊邁攜婚都部伍三百許
船來相救援謙之遭風餘數船艦夜於壽冷浦裏相
遇閤中大戰謙之手射楊邁施工船敗縱橫崑崙單
舸接得楊邁謙之以風溺之餘制勝理難自此還渡
壽冷至溫公浦升平三年溫放之征范佛於灣分界
陰陽折宋本作折入新羅灣至馬下一名阿賁浦入彭龍

灣隱避風波即林邑之海渚元嘉二十三年交州刺史檀和之破區粟于飛旌蓋海將指典沖林邑入浦令軍水進持重故也浦西即林邑都也治典沖去海岸四十里處荒流之微表國越裳之壘南秦漢象郡之象林縣也東濱滄海西際徐狼南接扶南北連九德後去象有林邑之號建國起自漢末初平之亂人懷異心象林功曹姓區有子名連攻其縣殺令自號為王值世亂離林邑遂立後乃襲代傳位子孫三國

鼎爭未有所附吳有交土與之鄰接進侵壽冷以為

塲界自區連以後國無文史失其纂代世數難詳宗

胤滅絕無復種裔外孫范能代立人情樂推後能死

子逸立有范文日南西捲縣夷帥雅夷奴也雅史作范幼晉

書作夷帥范推奴也文為奴時山澗牧羊於澗水中得兩鱧魚

隱藏挾歸規欲私食郎知檢求文大慙懼起託云託疑

詐將礪石還非為魚也郎至魚所見是兩石信之而

去文始異之石有鐵文入山中就石治鍊疑作鍛作

兩刀舉刃向郭因祝曰鱣魚變化治石成刀斫石郭破者是有靈神文當治此為國君王斫不入者是刀

無神靈進斫石郭如龍淵干將之斬蘆臺

御覽作蘆

由是

人情漸附今斫石尚在魚刀猶存傳國子孫如斬蛇之劍也雅嘗使文遠行商賈北到上國多所聞見以

晉愍帝建興中南至林邑教王范逸制造城池繕治

戎甲經始廟畧

宋本作廟畧

王愛信之使為將帥能得衆

心文讒王諸子或奔

或奔上脫或徙二字

王乃獨立成帝咸和

六年死無胤嗣文迎王子於外國海行取水置毒柳
子中飲而殺之遂脅國人自立為王取前王妻妾置
高樓上有從已者取而納之不從已者絕其飲食乃
死江東舊事云范文本揚州人少被掠為奴賣墮交
州年十五六遇罪當得杖畏怖因逃隨林邑賈人渡
海遠去沒入於王大被幸愛經十餘年王死文害王
二子詐殺侯將自立為王威加諸國或夷椎蠻語
原本
譌作推灣許今
據朱本改正
口食鼻飲或雕面鏤身
上下疑
脫裸
有脫文

種漢魏流赭咸為其用建元二年攻日南九德九真
百姓奔迸千里無烟乃還林邑林邑西去廣州二千
五百里城西南角高山長嶺連接天鄣嶺北接澗大
源淮水出鄒鄒遠界三重長洲隱山繞西衛北

朱本作山

迴東其嶺南開澗小源淮水出松根界上山壑流隱
山繞南曲街迴東合淮流以注典沖其城西南際山
東北瞰水重壑流浦周繞城下東南壑外因傍薄城
東西橫長南北縱狹北邊西端迴折曲入城周圍八

里一百步塼城二丈上起塼牆一丈開方隙孔上倚板板上層閣閣上架屋屋上構樓高者六七丈下者四五丈飛觀鵠尾迎風拂雲緣山瞰水騫翥崑崙但制造壯拙稽古夷俗城開四門東為前門當兩淮渚濱於曲路有古碑夷書銘讚前王胡達之德西門當兩重塹北迴上山山西即淮流也南門渡兩重塹對溫公壘升平三年交州刺史溫放之殺交趾太守竇別駕阮郎遂征林邑水陸累戰佛保城自守重求請

服聽之今林邑東城南五里有溫公二壘是也北門

濱淮路斷不通城內小城周圍三百二十步合堂瓦

殿南壁不開

上下疑有脫文

兩頭長屋脊出南北南擬背曰

西區城內石山順淮面陽開東向殿飛檐鴟尾青隙

丹墀椽

項本作椽題楠椽

楠椽多諸古法閣殿上柱高城上

項本作大餘五

五字下疑有脫文

牛尿為塗牆壁青光迴度

朱云當作

廊曲掖綺牖紫牕椒房嬪媵無別宮觀路寢永巷共

在殿上臨踞東軒逕與下語子弟臣侍皆不得上屋

有五十餘邱

與區同

連甍接棟檐宇如承

宋本作相承

神祠

鬼塔小大八廟層臺重榭狀似佛刹郭無市里邑寡

人居海岸蕭條非生民所處而首渠以永安養國十

世豈久存哉元嘉中檀和之征林邑其王楊

史作陽

邁

舉國夜奔竄山藪據其城邑收寶巨億軍還之後楊

邁歸國家國荒殍

朱云當作珍

時人靡存躊躇崩擗憤絕

復蘇即以元嘉二十三年死初楊邁母懷身夢人鋪

楊邁金席與其兒落席上金光已起昭晰艷曜華俗

謂上金為紫磨金夷俗謂上金為楊邁金父胡達

邁父

史作范
諸農

死襲王位能得人情自以靈夢為國祥慶其

太子初名咄後楊邁死咄年十九代立慕先君之德

復名楊邁昭穆二世父子共名知林邑之將亡矣其

城隍漸之外林棘荒蔓榛梗冥鬱滕樂筆秀參錯際

天其中香桂成林氣清烟澄桂父縣人也棲居此林

服桂得道時禽異羽翔集間闕兼比翼鳥不比不飛

鳥鳴歸飛鳴聲自呼此戀鄉之思孔悲桑梓

原本
譌俗之

敬成俗也豫章俞益期性氣剛直不下曲俗容身無
所遠適在南與韓康伯書曰惟檳榔樹最南遊之可
觀但性不耐霜不得北植不遇長者之目令人恨深

嘗對飛鳥戀土增思寄意謂此鳥其背青其腸

當是腹

赤丹心外露鳴情未達終日歸飛飛不十千路由萬

里何由歸哉九真太守任延始教耕犁俗化交土風

行

原本
譌俗

象林知耕以來六百餘年火耨耕藝法與華

同名白田種白穀七月火作十月登熟名赤田種赤

穀十二月作四月登熟所謂兩熟之稻也更宋本於

作至

草甲萌芽穀月代種種稔早晚無月不秀耕耘功重
收穀利輕熟速故也米不外散恒為豐國桑蠶年八
熟繭三都賦所謂八蠶之綿者矣其小水崖冪歷常
吐飛溜或雪霏沙漲清寒無底分溪別壑津濟相通
其水自城東北角流水上懸起高橋渡淮北岸即彭
龍區粟之通達也檀和之東橋大戰楊邁被創落象
即是處也其水又東南流逕船官口船官川源徐即

以下疑有脫文錯簡即字疑當作狼

外夷皆裸身男以竹筒掩體女以

樹葉蔽形外名狼臙所謂裸國者也雖習俗裸袒猶

恥無蔽惟依暝夜與人交市閭中與金便知好惡明

朝曉看皆如其言自此外行得至扶南按竺芝扶南

記曰扶南去林邑四千水步道道檀和之令軍入邑

浦據官船

當作官船

口城六里者也自船官下注大浦之

東湖大水連行湖

宋本作潮

上西流潮水日夜長七八尺

從此以西朔望并潮一上七日水長丈六七七日之後

日夜分為再潮水長一二尺春夏秋冬厲然一定高
下定度水無盈縮是曰海運亦曰象水也又兼象浦
之名晉功臣表所謂金潏清逕象渚澄源者也其川
浦渚有水蟲彌微攢木食船數十日壞源潭湛瀨有
鮮魚色黑身身下當有長字五丈頭如馬首伺人入水便來
為害山海經曰離耳國雕題國皆在鬱水南林邑記
曰漢置九郡儋耳預焉民好徒跣耳廣垂以為飾雖
男女褻露不以為羞暑褻薄日自使人黑積習成常

以黑為美離騷所謂玄國矣然則儋耳即離耳也王氏交廣春秋曰朱崖儋耳二郡與交州俱開皆漢武

帝所置大海中南海之外對合浦徐聞縣

漢志合浦郡有徐聞

縣原本訥作濶縣

清朗無風之日逕望朱崖州如圉廩大從

徐聞對渡北風舉帆一日一夜而至周迴二千餘里

徑渡八百里人民可十萬餘家皆殊種異類被髮雕

身而女多姣好白皙長髮美鬢犬羊相聚不服德教

儋耳先廢朱崖數叛先帝以賈捐之議罷郡楊氏南

裔異物志曰儋耳俱在朱崖分為東蕃故山海經曰
在鬱水南也鬱水又南自壽泠縣注於海昔馬文淵
積石為塘達於象浦建金標為南極之界俞益期牋
曰馬文淵立兩銅柱於林邑岸北有遺兵十餘家不
反居壽泠岸南而對銅柱悉姓馬自婚姻今有二百
戶交州以其流寓號曰馬流言語飲食尚與華同山
川移易銅柱今復在海中正賴此民以識故處也林
邑記曰建武十九年馬援樹兩銅柱於象林南界與

西屠國分漢之南疆也土人以其流寓號曰馬流世
稱漢子孫也山海經曰鬱水出象郡而西南注南海
入項陵東南者也應劭曰鬱水出廣信東入海言始
或可終則非矣

水經注集釋訂訛卷三十六

欽定四庫全書

水經注集釋訂訛卷三十七

歸安沈炳巽撰

淹水

葉榆水

夷水

油水

澧水

沅水

浪水

淹水出越嶲遂久縣徼外

呂忱曰淹水一曰復水也

東南至靖蛉縣

縣有禺同山

明一統志作碧雞山在雲南府城西三十里

其山神有金馬

碧雞光景儵忽民多見之漢宣帝遣諫大夫王褒祭

之欲致其雞馬褒道病而卒是不果焉王褒碧雞頌

曰敬移金精神馬縹碧之雞

王褒碧雞頌曰持節使者敬移金精神馬影

碧雞歸來歸來漢德無疆黃龍見兮白虎仁歸來歸來可以為倫歸來翔兮何事南荒也

故左太

沖蜀都賦曰金馬騁光而絕影碧雞儵忽而耀儀

又東過姑復縣南東入於若水

淹水逕縣之臨池澤而東北逕雲南縣西

今屬大理府東

北注若水也

益州葉榆河出其縣北界屈從縣東北流

縣故滇池葉榆之國也漢武帝元封二年使唐蒙開

之以為益州郡有葉榆縣

令為大理府治

縣西北十里有

吊鳥山衆鳥千百為郡共會嗚呼啁晰每歲七八月

至十六七日則止一歲六至雉雀來吊夜然火而取

之其無噍不食似特悲者以為義鳥則不取也俗言

鳳凰死於此山故衆鳥來吊因名曰吊鳥

明一統志
鳳羽山在

大理府浪穹縣三十里相傳蒙氏細奴邏興時有鳳翔於此故名鳳羽後鳳死每歲衆鳥哀吊其上故又名鳥吊至今土人以鳥來時舉火取之鳥見火輒赴火自死郭義恭廣志標榆縣屬永昌郡有吊鳥山在縣西北八十里有阜山衆鳥千百群共會鳴呼啁嘶每歲七月八月晦望至集六日則止歲凡六至雉雀來吊特悲九州要記云雲南葉榆廢邑吊鳥山有鳥千百羣飛啁嘶一歲必一度大集是鳳凰死也李彤四部云吊鳥山俗傳鳳死於上每歲七月至九月羣鳥常來集其處縣之東有葉榆澤葉榆水所鍾而為此川藪也

過不韋縣

縣故九隆哀牢之國也有牢山其先有婦人名沙臺

後漢書作壹華
陽國志作壹

居於牢山捕魚水中觸沉木若有感

因懷孕產十子後沉木化為龍出水九子驚走小子

不能去背龍而坐龍因抱之

後漢書作砥之

其母烏語謂背

為九謂坐為隆因名為九隆及長諸兄遂相共推九

隆為王後牢山下有一夫一婦生十女九隆皆以為

妻

後漢書作九隆兄弟皆娶以為妻

遂因孳育皆畫身像龍文衣皆

著尾九隆死世世不與中國通漢建武二十三年王

遣兵乘革船

後漢書作箬船下同注云箬音蒲佳反縛竹木為箬以當船也

南下水

攻漢鹿崩

後漢書作鹿
夢下同音多

民鹿崩民小弱將為所擒於

是天大震雷疾雨南風漂起水為逆流波湧二百餘

里革船沉沒溺死數千人後數年復遣六王將萬許

人攻鹿崩鹿崩王與戰殺六王哀牢耆老共埋之其夜

虎掘而食之明日但見骸骨驚怖引去乃懼謂其耆

老小王曰哀牢犯徼自古有之今此攻鹿崩輒被天

誅中國有受命之王乎何天祐之明也即遣使道一作

詩越雋奉獻求乞內附長保塞徼漢明帝永平十二

年置為永平郡

當作永昌郡後漢書郡國志明帝永平十二年分益州置永昌郡

治不韋縣蓋秦始皇徙呂不韋子孫於此故以不韋

名縣

後漢書郡國志不韋縣下引華陽國志曰孝武置不韋縣徙南越相呂嘉子孫宗族居之因名

不韋以彰其先人之惡此注云秦始皇徙不韋子孫於此故以名縣未詳孰是北去葉榆六

百餘里榆水不逕其縣自不韋北注者盧倉禁水耳

榆水自縣南逕遂久縣東又逕姑復縣西與淹水合

又東南逕永昌邪龍縣縣以建興三年劉禪分隸雲

南於不韋縣為東北

東南出益州界

葉榆水自邪龍縣東南逕秦藏

漢志秦藏

作縣也南與濮

漢志作僕

水同注滇澤於連然雙柏縣也

漢志秦藏連然雙柏並屬益州

郡榆水自澤又東北流滇池縣南又東逕同並縣南

又東逕漏江縣伏流山下復出蝮口謂之漏江左思

蜀都賦曰漏江伏流潰其阿汨若湯谷之揚濤沛若

濛汜之湧波諸葛亮之平南中也戰於是水之南榆

水又逕賁古縣北東與盤江合盤水出津高縣東南

盤町山

盤町當作盤町漢志律高縣下西石空山出錫東南盤町山出銀鉛師古曰盤音呼鵠反

町音

東逕梁水郡北

梁水當作泮水漢志越雋郡有泮水縣

賁古縣南

水廣百餘步深處十丈甚有郭氣朱褒之反李恢追

至盤江者也

蜀志李恢傳恢字德昂建寧俞元人也先主薨朱褒反叛於牂牁丞相亮南征先由越雋而

恢案道白建寧諸縣大相糾合圍恢軍於昆明時恢

衆少敵倍又未得亮聲息紹謂南人曰官軍糧盡欲

規退還吾中間久斥鄉里今乃得旋不能復北欲還

與汝等同計謀故以誠相告南人信之故圍守急緩

於是恢出擊大破之追奔逐北南至槃江東接牂牁

與亮聲勢相接南建武十九年伏波將軍馬援上言

從麋泠出賁古擊益州臣所將越駱萬餘人便習戰
鬪者二千兵以上弦毒矢利以數發矢注如雨所中

輒死愚以行兵此道最便蓋承藉

原本譌籍

水利用為神

捷也盤水又東逕漢興縣山溪之中多生邛竹枕榔

樹樹出麵而夷人資以自給故蜀都賦曰邛竹緣嶺

又曰麴有枕榔

博物志云蜀中有樹名枕榔皮裏出屑如麵用作餅餌謂之枕榔麵後漢

夜郎傳牂牁句町縣有枕榔木可為麵注木皮有毛如餅櫚木剛如鐵皮中有如擣糯米片又如麥麵中

作餅餌魏王花木志曰枕榔出興古者樹高七八丈其大者一樹出麵百斛

盤水北入榆

水諸葛亮入南中戰於盤中

宋本作東是也

入牂牁郡西隨縣北為西隨水又東出進桑關

進桑縣牂牁之南部都尉治也水上有關故曰進桑關也故馬援言從麋泠水道出進桑王國至益州賁古縣轉輸通利益兵車資運所由矣自西隨至交趾崇山接險水路三千里榆水又東南絕溫水而東南注於交趾

過交趾麋泠

原本譌作麋泠

縣北分為五水絡交趾郡中至東

一作南
界復合為三水東入海

尚書大傳曰堯南撫交趾於禹貢荊州之南垂幽荒
之外故越

下疑有蒙字

也周禮南八蠻雕題交趾有不粒

食者焉春秋不見於傳不通於華夏在海島人民鳥

語秦始皇開越嶺南立蒼梧南海交趾象郡漢武帝

元鼎二年始并百越啟七郡於是乃置交趾刺史以

督領之初治廣信所以獨不稱州時又建朔方郡已

始開北至遂交趾於南

上下疑有譌脫北至當作北垂遂下疑漏辟字為子

孫交

宋本作基

阬也麋泠縣漢武帝元鼎六年開都尉治

交阬外域記曰越王令二使者與主交阬九真二郡

民後漢遣伏波將軍路博德討越五路將軍到合浦

令越王二使者齎牛百頭酒千鐘及二郡民戶口簿

詣路將軍乃拜二使者為交阬九真太守主諸雒將

主民如故交阬郡及州本治於此也州名為交州後

朱戴

漢志朱戴縣名屬交阬郡

雒將子名詩索麋泠雒將女名徵

側為妻側為人有膽勇將詩起賊攻破州郡服諸雒

將皆屬徵側為王治廉泠縣得交趾九真二郡民二
歲調賦後漢遣伏波將軍馬援將兵討側詩走入金
溪究三歲乃得介時西蜀並遣兵共討側等悉定郡

縣為令長也

後漢書西南夷傳建武十六年交趾女

泠縣雒將之女也嫁為朱戴人詩索妻甚雄勇交趾

太守蘇定以法繩之側忿故反於是九真日南合浦
蠻里皆應之凡畧六十五城自立為王交趾刺史及
諸太守僅得自守十八年遣伏波將軍馬援樓船將
軍段志發長沙桂陽零陵蒼梧兵萬餘人討之明年
夏四月援破交趾斬徵側徵貳等餘皆降散嶺表悉
平
山多大蛇名曰髯蛇長十丈圍七八尺常在樹上

伺鹿獸鹿獸過便低頭繞之有頃鹿死先濡令濕訖
便吞頭角骨皆鑽皮出山夷始見蛇不動時便以大
竹籤籤蛇頭至尾殺而食之以為珍異故楊氏南裔
異物志曰髯惟大地既洪且長采色駁犖其文錦章
食灰疑譌當作豕吞鹿服成養創賓享嘉宴是豆是觴言

其養創之時肪腴甚肥搏之以婦人衣投之則蟠而
不起走便可得也此二水左水東北逕望海縣南建
武十九年馬援征徵側置又東逕龍淵縣北又東合

南水自康冷縣東逕封溪縣北交州外域記曰交阯
昔未有郡縣時土地有雒田其田從潮水上下民墾
食其田因名為雒民設雒王雒侯主諸郡縣縣多為
雒將雒將銅印青綬後蜀王子將兵三萬來討雒王
雒侯服諸雒將蜀王子因稱為安陽王後南越王尉
他舉衆攻安陽王安陽王時有神人名臯通下輔佐
為安陽王治神弩一張一發殺三百人南越王知不
可戰却軍住武寧縣按晉太康記縣交阯

一本縣下有屬字但

此句在後此處八字與越遣太子名始降服安陽王上下不相接疑是衍文

稱臣事之安陽王不知通神人遇之無道通便去語
王曰能持此弩王天下不能持此弩者亡天下通去
安陽王有女名曰眉珠見始端正珠與始交通始問
珠令取父弩視之始見弩便盜以鋸截弩訖便逃歸
報越王越進兵攻之安陽王發弩弩折遂敗安陽王
下船逕出於海今平道縣後王宮城見有故處晉太
康地記縣屬交趾越遂服諸雒將馬援以西南治遠

路逕千里分置斯縣治城郭穿渠通道溉灌以利其
民縣有猩猩獸形若黃狗又狀貍狔人面頭顏端正
善與人言音聲麗妙如婦人好女對語交言聞之無
不酸楚其肉甘美可以斷穀窮年不厭又東逕浪泊
馬援以其地高自西里進屯此又東逕龍淵縣故城
南又東左合此北疑作水建安二十三年立州之始蛟
龍磐編於水南北二津故改龍淵以龍編為名也盧
循之寇交州也交州刺史杜惠當作慧下同度率水步晨出

南津以火箭攻之燒其船艦一時潰散循亦中矢赴

火而死於是斬之傳首京師惠度以斬循勳封龍編

侯

晉書盧循傳循攻交州至龍編刺史杜慧度譎而敗之循勢屈知不免先鳩妻子十餘人因自投於

水慧度取其尸斬之傳首京師史云投水比云赴火未知孰是劉欣期交州記曰龍

編縣功曹左飛曾化為虎數月還作吏既言其化亦

化

上下疑有譌字

無不在牛哀易虎不識厥兄當其革狀安

知其譌變哉

淮南子牛哀病七日化為虎其兄掩戶而入覘之虎搏而殺之

其水又

東逕曲陽縣東流注於浪鬱

漢志交趾郡曲陽縣師古曰易古陽字浪當作

浪經言於郡東界復合為三水此其一也其次一水

東逕封谿縣南

郡國志封谿縣屬交趾郡建武十九年置

又東南逕西子

縣南

西子漢志屬交趾郡郡國志作西子

又東逕羸樓縣北又東逕北

帶縣南又東逕稽徐縣涇水注之水出龍編縣高山

東南流入稽徐縣注於中水中水又東逕羸樓縣南

交州外域記曰縣本交趾郡治也林邑記曰縣本自

交趾南行都官塞浦出焉其水自縣東逕安定縣北

帶長江江中有越王所鑄銅船潮水退時人有見之

者

交州記曰越人鑄銅為船在安定江湖退時見

其水又東流隔水有泥黎

城言阿育王所築也又東南合南水南水又東北逕九

德郡北交州外城

當作域

記曰交趾郡界有扶嚴宛在

郡之北隔渡一江即是水也江北對交趾朱戴縣又

東逕浦陽縣北又東無功縣北

漢志九真郡武帝元鼎六年開領縣七無

功其一也郡國志作無功晉書地理志有九真郡復有九德郡此蓋從晉志也浦陽晉志屬九德郡建

武十九年九月馬援上言臣謹與交趾精兵萬二千

人與大兵合二萬人船車大小二千艘自入交趾於

今為盛十月援南入九真至無功縣賊渠降進入餘

發

漢志餘發縣屬九真郡

渠帥朱伯棄郡亡入深林巨藪犀象

所聚羣牛數千頭時見象數十百為羣援又分兵入

無編縣王莽之九真亭至居風縣帥不降並斬級數

十百九真乃靖其水又東逕苟漏縣

漢志苟漏屬交趾郡

縣帶

江水江水對安定縣林邑記所謂外越安定縣紀粟

者也縣江中有潛牛形似水牛上岸鬬角軟還入江

水角堅復出又東與北水合又東注鬱亂流而逝矣

此其三也平撮二字疑為通稱同歸鬱海故經有入海之

文矣

夷水出巴郡魚復縣江

今為奉節縣夔州府治魚復故城在縣西

夷水即佷山清江也水色清照十丈分沙蜀人見其澄清因名清江也昔廩君浮土舟於夷水據捍關而

王巴是以法孝直有言魚復捍關臨江據水實益州

禍福之門夷水又東逕建平沙縣晉地志建平郡有沙渠縣此渴渠字

今為夔州府大昌縣元和志施州清江縣本漢南郡巫縣地吳之沙渠縣也縣有巫城南

岸水山道五百里其水歷縣東出焉

東南過恨山縣南

漢志恨山屬武陵郡後漢屬南郡晉屬宜都郡皆作恨此云狼誤今為荆

州府長陽縣縣西有恨山故城

夷水自沙渠入縣水流淺狹裁得通船東逕難留城南城即山也獨立峻絕西面上里餘得石穴把火行百許步得二大石磧並立穴中相去一丈俗名陰陽石陰石常濕陽石常燥每水旱不調居民作威儀服飾往入穴中旱則鞭陰石應時雨多雨則鞭陽石俄

而天晴相承所說徃徃有效但捉鞭者不壽人頗惡
之故不為也東北面又有石室可容數百人每亂民
入室避賊無可攻理因名難留城也昔巴蠻有五姓
未有君長俱事鬼神乃共擲劍於石穴約能中者奉
以為君巴氏子務相乃中之人又令乘土舟約浮者
當以為君惟務相獨浮因共立之是為廩君乃乘土
舟從夷水下至鹽陽鹽水有神女謂廩君曰此地廣
大魚鹽所出願留共居廩君不許鹽神暮

原本輒來
譌暮

宿旦化為蟲羣飛蔽日天地晦暝積十餘日廩君因
伺便射殺之天乃開明廩君乘土舟下及夷城夷城
石岸嶮曲其水亦曲廩君望之而歎山崖為崩廩君
登之上有平石方二丈五尺因立城其傍而居之四
姓臣之死精魂化而為白虎故巴氏以虎飲人血遂
以人祀鹽水即夷水也又有鹽石即鹽陽石也盛弘
之以是推之疑即廩君所射鹽神處也將知是陰石
是對陽石立名矣事既鴻古難為明徵夷水又東逕

石室在層巖之上石室南向水出其下懸崖千仞自
水上遙望見母有陟山嶺者扳木側足而行莫知其
誰村人駱都小時到此室邊採蜜見一仙人坐石牀
上見都凝矚不轉都還招村人重往則不復見鄉人
今名為仙人室袁崧云都孫昔尚孝朱本云孝夷水
字當作存又東與溫泉三水合大溪南北夾岸有溫泉對注夏
煖冬熱上常有霧氣瘍疾百病浴者多愈父老傳此
泉先出於鹽於今水有鹽氣夷水有鹽水之名此亦

其一也夷水又東逕猥縣故城南縣即山名也孟康

曰音伯出藥草恒山今世以銀為音也舊武陵之屬

縣南一里即清江東注矣南對長楊溪

隋改猥山縣曰長楊以溪

得名唐又改楊為陽

溪水西南潛穴穴在射堂射

射疑衍朱云宋本作村

東六七里谷中有石穴清泉瀆流三十許步復入穴

即長楊之源也水中有神魚大者二尺小者一尺居

民釣魚先陳所須多少拜而請之拜訖投釣餌得魚

過數者水輒波湧暴風卒起樹木摧折水側生異花

路人欲摘者皆當先請不得扳取水源東北之

疑作有

風井山迴曲有異勢穴口大如盆袁崧云夏則風出冬則風入春秋分則靜余往觀之其時四月中去穴數丈須臾寒慄卒至六月中尤不可當往人有冬過者置笠穴中風吸之經月還步楊溪得其笠則知潛通矣其水重源顯發北流注於夷水此水清冷甚於大溪縱暑伏之辰尚無能澡其津流也縣北十餘里有神穴平居無水時有渴者誠啟請乞輒得水或戲

求者水終不出縣東十許里至平樂村又有石穴出
清泉中有潛龍每至大旱平樂村左近村居輦草穢
著穴中龍怒須臾水出蕩其草穢傍側之田皆得澆
灌從平樂順流五六里東亭村北山甚高峻上合下
空空徼東西廣二丈許起高如屋中有石林甚整頓
傍生野韭人往乞者神許則風吹別分隨偃而揃不
得過越不偃而揃輒凶往觀者去時持平暨處自然
恭肅矣

又東過夷道縣北

今為荊州府宜都縣故城在縣西

夷水又東逕虎灘岸石有虎像故因以名灘也夷水

又東逕釜瀨其石大者如釜小者如刁斗形色亂真

雜石

何氏改惟實

中耳夷水又東北有水注之其源百里

與丹水出西南望州山山形竦峻峯秀甚高東北白

巖壁立西南小湫通行登其頂平可有三畝許上有

故城城中有水登城望見一州之境故名望州山世

俗語訛今名武鍾山山根東有湧泉成溪即丹水所

發也下注丹水天陰欲雨輒有赤氣故名曰丹水矣

丹水又逕亭

譌字

下有石穴甚深未嘗測其遠近穴中

蝙蝠大者悉多倒懸玄中記曰蝙蝠百歲者倒懸得而服之使人神仙穴中有泉冬溫夏冷秋則入藏春則出遊民至秋閉斷水口得魚大者長四五尺骨軟肉美異於餘魚丹水又逕其下積而為淵淵有神龍每旱村人以蒿草疑漏投字淵上流魚則多死龍怒當時大雨丹水又東北流兩岸石上有虎跡甚多或深或

淺皆悉成就自然咸非人工丹水又北注於夷水水
色清澈與大溪同夷水又東北逕夷道縣北而東注
東入於江

夷水又逕宜都北東入大江有涇渭之比亦謂之恨
山北溪水所經皆石山畧無土岸其水虛曠俯視遊
魚如乘空也淺處多五色石冬夏激素飛清傍多茂
木空岫靜夜聽之恒有清響百鳥翔禽哀鳴相和巡
顧浪者不覺疲而忘歸矣

禹貢錐指曰渭按夷水首出魚復江尾入宜都江
行五百餘里是亦荊州之沱也古時自巴入楚避
三峽之險皆由此路史記張儀說楚王曰秦西有
巴蜀大船積粟起於汶山浮江以下至楚三千餘
里舫船載卒一日行三百餘里不至十日而拒扞
闕扞關驚則從境以東盡城守矣黔中巫郡非王
所有

黔中漢為武陵郡即今常德府巫郡漢為巫
縣即今巫山巴東建始三縣及施州衛地也

此言舟師由夷水入楚也何以知之楚世家肅王

四年蜀伐楚取茲方於是楚為扞關以拒之後漢

書李熊說公孫述曰東守巴郡拒扞關之口徐廣

曰巴郡魚復有扞水扞關

後漢志同

章懷太子賢曰扞

關故基在今峽州巴山縣寰宇記云廢巴山縣在

長陽縣南七十里即古捍關是也

唐志巴山縣隋分猓山縣置天

寶八年省入長陽

水經注江水自江關東逕弱關捍關

江關

在今奉節縣東瞿唐峽口

注云弱關在建平秭歸界秭歸今歸

州也蓋大江出三峽逕弱關江沱出猓山逕捍關

劃然兩道儀言浮江以下拒捍關則不經巫峽明矣
夷水受江處不知何時日就陊塞後漢建武中公
孫述遣將田戎等乘枋簞下江關拔夷道夷陵光
武命岑彭吳漢伐之彭擊破戎等率舟師長驅入
江關漢留夷陵裝露橈船將三萬人泝江而上則
皆取道於三峽而不復由夷水矣蓋其時水已淺
狹不勝戰艦自後荆梁有事苟用舟師未有不由
峽江者然鄴注云沙渠裁得通船則後魏時水道

猶存下逮唐初建始之北遂成斷港故章懷注西

南夷傳云今施州清江縣夷水一名鹽水源出縣

西都亭山

清江廢縣亦在長陽縣界

寰宇記云夷水自施州開

蠻界流入長陽縣明一統志云夷水源出舊施州

開蠻界流經建始巴東長陽至宜都入江蓋不復

知此水出西北奉節之大江而以為西南施州衛

之山源矣其所謂都亭山者即在開蠻界也然自

漢志已不言首受江未知何故班氏疎畧頗多水

經注原委詳明而又有張儀之言以為證無可疑者禹導江自浮入荆必浮此水也

油水出武陵孱陵縣西界東過其縣北

東過五字據宋本補入。孱陵

縣今為荊州府公安縣又岳州府安鄉縣

縣有白石山油水所出東逕其縣西與澧水合水出

高城縣澧山東逕其縣下東至孱陵縣入油水也縣

治故城

在今公安縣一名孫夫人城

王莽更名孱陵

按漢志當作陸

也劉

備孫夫人權妹也又更修之其城背油向澤

又東北入於江

油水自孱陵縣之東北逕公安縣西又北流注於大

江

澧水出武陵充縣

今岳州府慈利縣所轄永定九溪二衛皆漢充縣地歷山在永定衛西澧

水自衛界流逕九溪衛西

西歷山東過其縣南

漢注充縣歷山澧水所出東至下雋入沅

師古曰澧音禮

澧水自縣東逕臨澧零陽二縣故界

按晉地志二縣屬天門郡吳置

今為澧州石門縣

水之南岸白石雙立厥狀類人高各三十

大周十四丈古老傳言昔充縣尉與零陽尉共論封境因相傷害化而為石東標零陽西碣充縣廢省臨澧即其地縣臨封縣之故治臨側澧水即為縣名晉太康四年置澧水又東茹水注之水出龍茹山水色清澈漏石分沙莊辛說楚襄王所謂飲茹溪之流者也茹水東流入澧水

明一統志澧水源出岳州府慈利縣西歷山流至石門縣會渫

水又流至澧州城下合澧澧二水入于洞庭

又東過零陽縣之北

澧水東與溫泉水會水發北山石穴中長三十丈冬
夏沸湧常若湯焉溫水南流注於澧水澧水又東合
零溪水源南出陵當作零陽之山歷溪北注澧水澧水

又東九渡水注之水南出九渡山山下有溪又以九
渡為名山獸咸飲此水而逕越他津皆不飲之九渡
水北逕仙人樓下傍有石形極方峭世名之為仙樓
水自下歷溪曲折逶迤傾注行者間關每所塞沂山
水之號蓋亦因事生焉九渡水又北流注於澧水澧

水又東婁水入焉水源出巴東界東逕天門郡婁中

晉地志縣北又東逕零陽縣注於澧水澧水又東逕

零陽縣南

今慈利縣北有零陽故城

蘊郡

上下疑有譌字

零溪以著稱矣

澧水又東逕澧陽縣右會漂漂下有字水出建平郡

東逕漂陽縣南

謂之漂口今石門縣西北有漂水

晉太康中置漂水

又左合黃水黃水出零陽縣西北連巫山溪出雄黃

頗有神異採常以冬月祭祀鑿石深數丈方得佳黃

故溪水取名焉黃水北流注於漂水漂水又東注澧

水謂之漂口澧水又東逕澧陽縣南南臨澧水晉太

康四年立天門郡治也

在今澧州西一百十里

吳永安六年武

陵郡高梁山高峯孤竦素壁千尋望之苔亭有似香

爐其山洞開玄朗如門高三百丈廣二百丈孫休以

為嘉祥分武陵置天門郡澧水又東歷層步出

疑作山

高秀特山

疑作出

下有峭澗泉流所發南流注於澧水

又東過作唐縣北

後漢郡國志武陵郡有作唐縣今為安鄉縣在澧州東南一百二十五里

北至公安界六十里故城在今安鄉縣東南

作唐縣後漢分屬陵置澧水入縣左合沔水水出西

北天門郡界南流逕沔

一作沔

評沔

沔評沔在今澧州界州在岳州府西

四百二十里北至公安縣八十里本漢零陽縣地隋析置澧陽縣其故城即今州治澧水在州南三里

屯竭沔水溉田數千頃又東南流注於澧水澧水又

東澹水出焉澧水又南逕故郡城東東轉逕作唐縣

南澧水又東逕安南縣南

今華容縣是

晉太康元年分屬

陵立澹水注之水上承澧水於作唐縣東逕其縣北

又東注於澧謂之澹口王仲宣贈孫文始詩曰悠悠

澧澧者也澧水又東與赤沙湖水會湖水北通江而

南注澧謂之決口

明一統志赤沙湖在洞庭湖西秋夏水泛與洞庭湖為一湖時惟見

赤沙舊記云洞庭南連青草西亘赤沙七八百里又謂之三湖禹貢錐指按赤沙湖在今華容縣西南亦

謂之赤亭湖西接安鄉縣界

澧水又東南注於沅水曰澧口蓋其

枝瀆耳離騷曰沅有芷兮澧有蘭

又東至長沙下嶺縣西北東入於江

澧水流注於洞庭湖俗謂之曰澧江口也

禹貢錐指云澧水自石門以西與導江無涉其南

江會澧故道參以近志有可得而言者江陵縣西南

二十里有虎渡口在龍州之南

後漢郡守法雄有異政猛虎渡江去

因名宋乾道七年湖北漕臣李燾修虎渡隄即此水經注江水自枝迴洲分為南北二江北江有故

鄉洲其下為龍洲

南江從此東南流注於澧水同入洞庭

蓋即所謂涔水也澧州志云涔水為岷江別派從

公安入境為四水口

在州北七十里東接安鄉湖口北連荆江

又東南

流過焦圻一箭河至匯中入澧故稱涔澧楚辭望

涔陽兮極浦今公安舊縣東南有涔陽鎮即其地

也澧水又東逕安鄉縣南會赤沙湖

東距巴陵縣百里

而

東入洞庭湖湖在巴陵縣西南一百五十步

見元和志

此導江東至於澧過九江至於東陵之故道也

沅水出牂牁且蘭縣為旁溝水

明一統志沅水源出四川播州流逕沅州入常

德府至辰州入江

又東至鐔城縣為沅

水東逕無陽縣

朱本云此六字宋本作經文

無水出故且蘭南流

至無陽故縣

漢志武陵郡無陽縣無水首受故且蘭南入沅八百九十里後漢省無陽故曰

無陽故縣

對無水因以氏縣無水又東南入沅謂之無

口沅水東逕無陽縣南臨運水水源出東南岸許山西北逕其縣南注於熊溪熊溪南帶移山山本在水北夕多風雨旦而山移水南故山以移為名蓋亦蒼梧郁州佐山之類也熊溪下注沅水沅水又東逕辰陽

縣

今為辰州府辰溪縣

縣有龍溪水南出於龍橋

一作嶠

之山北

流入於沅沅水又一

一字疑訛當作東

湓水注之水南出扶

陽之山北流會於沅沅水又東與序溪合水出義陵

郡義陵縣

今為辰州府溆浦縣。按漢志義陵縣屬武陵郡兩漢及晉宋俱無義陵郡此云義

陵恐當作
武陵為是
廊梁山西北流逕義陵縣王莽之建平縣

也治序溪其城劉備之秭歸馬出五溪

此下疑有譌誤

綏撫

蠻夷亮率諸蠻所築也所治序溪最為沃壤良田數百頃特宜稻修作無廢又西北入於沅沅水又東合柱水水導源柱溪北流注沅沅水又東逕辰陽縣南東合辰水水出縣三山谷東南流獨母水注之水源南出龍門山歷獨母溪北入辰水辰水又逕其縣北舊治在辰水之陽故即名焉楚辭所謂夕宿辰陽者

也王莽更名會真矣

漢志作會亭

辰水又右會沅水名之

為辰溪口武陵有五溪謂雄溪楠溪力溪無溪酉溪

按宋書五溪有辰溪而無力溪

辰溪其一焉夾溪悉是蠻左右所居

此四字疑當在夾溪下文氣方順或所字是雜字

故謂此蠻為五溪蠻也辰

水又逕沅陵縣西

今辰州府治及諸縣

有武谿源出武山與酉

陽分山水源石上有盤瓠跡猶存矣盤瓠者高辛氏

之畜狗也其毛五色高辛氏患犬戎之暴乃募天下

有能得犬戎之將軍吳將軍頭者妻以少女下令之

後盤瓠遂銜吳將軍之首於闕下帝大喜未知所報
女聞之以為信不可違請行乃以配之盤瓠負妻入
南山上石室中所處嶮絕人跡不至帝悲思之遣使
不得進經二年生六男六女盤瓠死因自相夫妻織
績木皮染以草實好五色衣裁置皆有尾其母白帝
賜以名山其後滋蔓號曰蠻夷今武陵郡夷即盤瓠
之種落也其狗皮毛嫡孫世寶錄之武水南流注於
沅沅水又東施水注之水南出施山溪源有陽欺崖

崖色純素望同積雪下有二石先有人居處其間細
泉輕流望川競注故不可以言也施水北流會於沅
沅水又東逕沅陵縣北漢故項侯吳陽之邑也王莽
改曰沅陸縣北枕沅水沅水又東逕縣故治北移縣
治之舊城置都尉府因岡傍阿勢盡川陸臨沅對酉
二川之交會也

原本誤以酉水之注錯簡於此今從禹貢雖指改正在前

沅水又

逕賓應明城側應明以元嘉初伐蠻所築也沅水又

東溪水南出茗山

一作沅水又合東溪溪水南出茗山

山深迴嶮人獸

岨絕溪水北瀉沅川水沅水又東與諸魚溪水合水
北出諸魚山山與天門郡之澧陽郡分嶺溪水合南

流會於沅沅水又東夷水入焉水南出夷山北流注

沅夷山東接胡頭山

後漢郡國志沅陵縣有壺頭山馬援傳亦同此云胡疑譌明一

統志壺頭山在辰州府東一百三十里以山頭似東
海方壺故名後漢建武間武陵蠻叛遣馬援等征之
進營壺頭會暑甚士卒多疾死援穿崖為室
以避炎暑令山邊有石窟即援所居室也山高一

百里廣圓三百里山下水際有新恩侯馬援征武溪

蠻停軍處胡頭徑曲多險

胡頭按傳作壺頭注引武
陵記曰此山頭與東海方

壺山相似因名壺頭此云胡頭誤

其中紆折千灘援就胡頭希効早

成道遇瘴毒終沒於此忠公獲謗信可悲矣

事具馬援傳

劉澄之曰沅水自胡頭分枝跨三十三渡逕交趾龍
編縣東北入於海脉水尋梁乃非闕究但古人許以
傳疑聊書所聞耳

又東北過臨沅縣南

今常德府治

臨沅縣與沅南縣分水

後漢郡國志武陵郡沅南縣建武二十六年置

沅南

縣西有夷望山孤竦中流浮嶮四絕昔有蠻民避寇

居之故為夷望也南有夷望溪水南出重山遠注沅
沅水又東得闕下山東帶闕溪瀉注沅瀆沅水又東
歷臨沅縣西為明月池白壁灣灣狀半月清潭鏡澈
上則風籟空傳下則泉響不斷行者莫不擁櫂嬉遊
徘徊愛玩沅水又東歷三石澗鼎足均峙秀若削成
其側茂竹便娟致可玩也又東帶綠羅山顏巖臨水
懸蘿釣渚漁詠幽谷浮嚮若鐘沅水又東逕平山西
南臨沅水寒松上蔭清泉下注栖託者不能自絕於

其側沅水又東逕臨沅縣南縣下當沅水因以為

名

漢志臨沅下應劭曰沅水出牂牁入于江荊州記曰臨沅縣南臨沅水源出牂牁且蘭縣至郡界分

為五

王莽更之監沅漢志作原縣也縣南有晉徵士漢壽

詩宋本龔元之墓銘太元中車武子立

晉書隱逸傳龔元之字道

元武陵漢壽人也好學潛默安於陋巷州舉秀才公府辟不就孝武帝聞其名徵為散騎常侍領國子博士苦辭疾篤不行尋卒縣治武陵郡下本楚之黔

墓在常德府武陵縣南

中郡矣秦昭襄王二十七年使司馬錯以隴蜀軍攻

楚割漢北與秦至三十年又取楚巫黔及江南地以

為黔中郡漢高祖二年割黔中故治為武陵郡王莽

更之達平都也

漢志王莽更武陵郡曰建平此當作王莽更之曰建平郡也

南對

沅南縣後漢建武中所置也縣在沅水之陰因以沅

南為名縣治故城昔馬援討臨鄉所築也沅水又東

歷小灣謂之枉渚

在今常德府

渚東里許便得枉人山

西帶循溪一百餘里茂竹便娟披溪陰渚長川逕引

遠注於沅沅水又東入龍陽縣

晉縣屬武陵郡今屬常德府

有澹水

出漢壽縣西楊山南流東折逕其縣南縣治索城即

索縣之故城也漢順帝陽嘉中改從今名闕駟以為

興水所出東入沅而是水又東歷諸湖方南注沅亦

曰漸水也

漢志索縣下漸水東入沅

水所入之處謂之鼎口沅水

又東歷龍陽縣之汎洲

朱本作汎洲明一統志橘洲在龍陽縣西北五十里本名

汎洲長二十里即吳李衡種橘處

洲長二十里吳丹陽太守李衡植

柑於其上臨死勅其子曰吾洲里有木奴千頭不責

衣食歲絹千疋太史公曰江陵千樹橘可當封君此

之謂矣吳末衡柑成歲絹千疋今洲上猶有陳根餘

枅蓋其遺也沅水又東逕龍陽縣北城側沅水沅水
入東合壽溪內通大溪口有木連理根各一岸而凌
空交合其水上承諸湖下注沅水

又東至長沙下雋縣西北入於江

沅水下注洞庭湖方會於江

浪水出武陵鍾城

漢志作咸縣今為辰州府黔陽縣

北界沅水谷

山海經禱過之山浪水出焉而南流注於海是也

山海

經注浪
音銀

南至鬱林潭中縣

今廣西柳州府治及所轄諸縣地

與鄰水合

水出無陽縣故鄠城也晉義熙中改從今名俗謂之移溪溪水南歷潭中注於浪水

又東至蒼梧猛陵縣為鬱溪又東至高要縣為大水

猛陵

縣今為廣西梧州府藤縣高要今為廣東肇慶府治

鬱水出鬱林之阿林縣東逕猛陵縣猛陵縣在廣信

之西南

今為梧州府治及肇慶府之封川縣

王莽之猛陸也浪水於縣

左合鬱溪亂流逕廣信縣地理志曰蒼梧郡治武帝

元鼎六年開王莽之新廣郡縣曰廣信亭王氏交廣
春秋曰元封五年交州自羸婁縣移治於此建安十
六年吳遣臨淮步騭為交州刺史將武吏四百人之
交州道路不通蒼梧太守長沙吳臣擁衆五千騭有
疑於臣先使喻臣臣迎之於零陵遂得進州臣既納
騭而後有悔騭以兵少恐不存立臣有都督區景勇畧
與臣同士為用騭惡之陰使人請臣臣往告景勿請
騭騭請不已景又往乃於廳事前中庭俱斬以首徇

衆即此也

吳臣當作吳巨按吳志步騭傳騭領交州刺史拜使持節征南中郎將劉表所拜蒼

梧太守吳巨陰懷異心外附內違鬱水又逕高要縣
騭降意懷誘請與相見因斬徇之

晉書地理志曰縣東去郡五百里刺史夏避毒徙縣

水居也縣有鵠奔亭廣信蘇施妻始珠鬼訟於交州

刺史何敞處事與鵠亭女鬼同

搜神記九江何敞為交州刺史行部到蒼

梧高要宿鵠奔亭夜半有一女子自稱蘇娥字始珠廣信人嫁施氏夫死有雜繒帛百二十疋及婢一人

名致富欲之傍縣賣繒賃牛車一乘到此亭為亭長龔壽所殺刺致富亦死掘樓下合理之取財物去無所告訴故來自歸於明使君敞乃遣吏捕問具服并其父母兄弟皆斬之謝承後漢書所記事同但作鵠

巢亭為異

王氏交廣春秋曰步騭殺吳臣區景使嚴舟船

合兵二萬下取南海蒼梧人衡毅錢博宿臣部伍興
軍逆騭於蒼梧高要峽口兩軍相逢於是遂交戰毅
與衆投水死者千有餘人

又東至南海番禺縣西

今為廣州府治及所轄各縣

分為二其一南

入於海

鬱水分浪南注

其一又東過縣東南入於海

浪水東別逕番禺山海經謂之賁禺者也交州治中

合浦姚文式問云何以名為番禺答曰南海郡昔治

在今州城中與番禺縣連接今入城東南偏有水

上下

疑有坑陵城倚其上聞此縣人名之為番山縣名番

鵠字

禺儻謂番山之禺也漢書所謂浮牂牁下離津同會

番禺蓋乘斯水西入越也秦并天下畧定揚越置東

南一尉西北一侯開南海以謫徙民至二世時南海

尉任囂召龍川令趙他曰聞陳勝作亂豪桀叛秦吾

欲起兵阻絕新道

漢書注師古曰秦所開越道也

番禺負嶮可以為

國會病綿篤無人與言故召公來告以大謀囑卒他

行南海尉事則拒關門設守以法誅秦所置吏以其

黨為守自立為王高帝定天下使陸賈就立他為越

王剖符通使至武帝元鼎五年遣伏波將軍路博德

等攻南越王五世九十二歲

漢書九十三歲

而亡以其地為

南海蒼梧鬱林合浦交趾九真日南也建安中吳遣

步騭為交州刺史騭到南海見土地形勢觀尉他舊

治處負山帶海博敞渺目高則乘土下則沃衍林麓
鳥獸於何不有海怪魚鼈龜黿鮮鰐珍怪異物千種
萬類不可勝記他因置作臺北面朝漢圓基千步直
峭百丈頂上三畝復道環迴逶迤曲折朔望升拜名

曰朝臺

明一統志作朝漢臺
在廣州府治西五里

前刺史郡守遷除新至

未嘗不乘車升履於焉逍遙騰登高遠望觀巨海之

浩茫觀原藪之殷阜乃曰斯誠海島膏腴之地宜為

都也

宋本作
都邑

建安二十二年遷州番禺築立城郭綏

和百越遂用寧集交州治中文武問答云朝臺在州

城東北三十里裴淵廣州記曰城北有尉他墓

明一統志

趙他墓在番禺縣自雞籠山以北連岡連嶺相傳他墓在馬莫知的處

墓後有大罌謂

之馬鞍罌

在今廣州府城北十里

秦時占氣者言南方有天子

氣始皇發民鑿破此罌地中出血今鑿處猶存以狀

取目故罌受厥稱焉王氏交廣春秋曰越王趙他生

有奉制稱蕃之節死有秘異

宋本作與

神密之墓他之墓

也因山為墳其壠瑩可謂奢大墓積珍玩吳時遣使

發掘其墓求索棺柩鑿山破石費日損力卒無所獲
他雖奢儉慎厥其身乃令後人不知其處有似松喬
遷景牧豎固無所殘矣鄧德明南康記曰昔有盧耽
仕州為治中少棲仙術善解雲飛每夕輒陵虛歸家
曉則還州嘗於元會至朝不及朝列化為白鵲至閤
前迴翔欲下威儀以石擲之得一隻履耽驚還就列
內外左右莫不駭異時步隲為廣州意甚惡之便以
狀列聞遂至誅滅廣州記稱晉盧循為刺史

按盧循當作滕

修三國吳志呂岱傳注引王隱交廣記曰吳置廣州以南陽滕修為刺史或語修蝦鬚長一丈修不信其

人後至東海取蝦鬚長四丈

四尺封以示修修方服之

循鄉人語循蝦鬚長一

尺循以為虛責其人乃至東海取蝦鬚長四尺速送

示循循始復謝厚為遣其一水南入者鬱川分派逕

四會

四會縣今屬肇慶府

入海也其一即川東別逕番禺城下

漢書所謂浮牂牁下離津

自此至入于越也已見前不宜復見於此疑屬衍文

同會番禺蓋乘斯水而入于越也浪水又東逕懷化縣入於海水有鰭魚裴淵廣州記曰鰭魚長二丈大

數圍皮皆

疑有譌脫或皆字當作可

鑪物生子子小隨母覓食驚

則還入母腹吳錄地理志曰鰭魚子朝索食暮入母

腹南越志曰暮從臍入旦由口出腹裏兩洞腸貯水

以養子腸容二子兩則四焉其餘

疑作水

又東至龍川

縣

今屬廣東惠州府

為湮水屈北入員水浪水枝津衍注自

番禺東歷增城縣

晉縣屬南海郡

南越志曰縣多鷄鷄鷄鷄

山鷄也光色鮮明五色眩耀利距善鬪世以家鷄鬪

之則可擒也又逕博羅縣

今屬惠州府


西界龍川左思所

謂目龍川而帶坳者也趙他乘此縣而夸據南越矣
員水又東南一千五百里入南海

東歷揭揚縣

今屬潮州府

王莽之南海亭而注於海也



水經注集釋訂訛卷三十七